

**29.2.3 Kiswahili Paper 3 (102/3)**

102/3  
KISWAHILI  
Karatasi 3  
FASIHI  
Okt./Nov. 2008  
Saa 2½

**THE KENYA NATIONAL EXAMINATIONS COUNCIL**  
Kenya Certificate of Secondary Education  
KISWAHILI  
Karatasi 3  
FASIHI  
Saa 2½

**Maagizo**

*Jibu maswali manne pekee.  
Swali la kwanza ni la lazima.  
Maswali hayo mengine matatu yaehaguliwe kutoka sehemu nne zilizobaki yaani:  
Tamthilia, Riwaya, Hadithi Fupi na Fasihi simulizi.  
Usijibu maswali mawili kutoka sehemu moja.*

**Karatasi hii ina kurasa 4 zilizopigwa chapa.**

**Watahiniwa ni lazima waangalie kama kurasa zote za karatasi hii  
zimepigwa chapa sawasawa na kuwa maswali yote yamo.**

*Soma shairi hili kisha ujibu maswali yanayofuata.*

**WASAKATONGE**

1. **Wasakatonge na juakali**

Wabeba zege ya maroshani,  
Ni msukuma mikokoteni,  
Pia makuli bandarini,  
Ni wachimbaji wa migodini,  
*Lakini maisha yao chini.*

2. **Juakali na wasakatonge**

Wao ni manamba mashambani,  
Ni wachapa kazi viwandani,  
Mayaya na madobi wa nyumbani,  
Ni matopasi wa majaani,  
*Lakini bado ni masikini.*

3. **Wasakatonge na juakali**

Wao huweka serikalini,  
Wanasiasa madarakani,  
Dola ikawa mikononi,  
Wachaguliwa na ikuluni,  
*Lakini wachaguaji duni.*

4. **Juakali na wasakatonge**

Wao ni wengi ulimwenguni,  
Tabaka lisilo ahueni,  
Siku zote wako matesoni,  
Ziada ya pato hawaoni,  
*Lakini watakomboka lini?*  
(Mohammed Seif Khatib)

- (a) “Shairi hili ni la kukatisha tamaa”. Fafanua rai hii kwa kutoa mifano minne. (alama 4)
- (b) Taja tamathali ya usemi iliyotawala katika shairi zima na uonyeshe mifano miwili ya jinsi ilivyotumika. (alama 3)
- (c) Eleza umbo la shairi hili. (alama 5)
- (d) Andika ubeti wa tatu katika lugha ya nathari. (alama 4)
- (e) Onyesha mifano miwili ya maadili yanayojitokeza katika shairi hili. (alama 2)

(f) Eleza maana ya maneno yafuatayo kama yalivyotumiwa katika shairi.

(i) Manamba

(ii) Tabaka lisilo ahueni

(alama 2)

### TAMTHILIA

*Jibu swali la 2 au la 3.*

**Kithaka wa Mberia:** *Kifo Kisimani*

2 Ukitumia mifano, onyesha matumizi matano ya mbinu ya ishara kama ilivyotumiwa katika tamthilia ya *Kifo Kisimani*. (alama 20)

3 “Kwa hakika, kama mzazi hana kifani katika Butangi nzima. Na pengine hata katika ulimwengu mzima.”

(a) Eleza muktadha wa dondoo hili. (alama 4)

(b) “Watu waliojiita washauri wa Mtemi Bokono walikuwa si washauri halisi bali wanafiki waliomdanganya.” Thibitisha kauli hii kwa kutoa mifano mitano. (alama 16)

### RIWAYA

*Jibu swali la 4 au la 5.*

**Z. Burhani:** *Mwisho wa Kosa.*

4 “Wanawake katika riwaya ya *Mwisho wa Kosa* wamepewa nafasi ndogo katika masuala ya maendeleo ya kijamii.” Thibitisha kauli hii kwa kutoa mifano kumi. (alama 20)

5 Eleza jinsi wahusika wafuatao wanavyoafiki anwani ya riwaya ya *Mwisho wa Kosa*:

(a) Ali (alama 10)

(b) Asha (alama 10)

## HADITHI FUPI

**K. W. Wamitila** (*mhariri*): *Mayai Waziri wa Maradhi na Hadithi Nyingine*

- 6 “Umdhaniaye ndiye, kumbe siye”.  
Kwa kurejelea hadithi zozote tano katika diwani ya *Mayai Waziri wa Maradhi na Hadithi Nyingine*, onyesha ukweli wa kauli hii. (alama 20)

## FASIHI SIMULIZI

- 7 Fafanua sifa zozote kumi za mtambaji bora wa ngano. (20 alama)